

CHIDA CHA WAKULIJIGANYA

Yudasi wawonekaga mpela kuti waliji msyesyene. Waliji jwa kulijiganya. Ambuje Yesu wamsagwile ali apopesile chilo chosope. Watendaga yakukusimonjesya ni wakulijiganya wane. Wakulupilidwe ndi jwalijose. Wakwete chiwecheto ni kawoneche kambone. Nambo wawele mundu jwakwasika. Yudasi wamlowesye jwalijose kusigala Yesu. Sano nambi WAO? Ana wao mklistu msyesyene? Pambesi pa majiganyoga tamanyilile chisyesyene!

MASENGO GANDANDA – MUNDU JWA PEGALISI

Wao ali wani? Ligongo chichi ali apano? Nambi akuja kwapi? Aga gali mausyo gakusekwa mu umi. Baibuli janjanjile yeleyi yindu yosope mkani yiwe, nipo gakusatandila malo gambone ga kwanjidwa mausyo getu – kwa Mlungu.

Payatandaga yingu yosope, Mlungu waliji ali apali, ni juwatendesye kuti yosope yipagwe. Watite ‘ kulanguche’ nipo yindu yakusimonjesya yatendekwe, Msyene yosope walangwisye yilambo yangawalanjika mu ndawi jimo. Nipo ndondwa ni yilambo yatandite. Walinganyisye yindu kuti yitendekweje mu ndawi jakwe mu chilambo chakwe cha sambanochi. Lelo jino wandu wa sayansi akulijiganya yeleyi mu sukulu syakulekanganalekangana pa chilambo. (1 Mbili 29:11-12; Yobu 37-39; Yesaya 45:7,12). Kaneko ni walinganyisye chilambo chambone mlope. Kwaliji kwana yilambo yine yiwapanganyisye nambo achi chilambochi chaliji chambone kwa Mlungu (Genesisi 1:1-10; Yesaya 45:18; Ekisodo 19:6; Masalimo 24:1)

Wapeleche umi ku chilambochi, ni kuchigumasya ni yakumela, somba ni yijuni; ni wapanganyisye mitundu ja yinyama, chilosyo cha kusimonjesya kwa chinonyelo ndi lunda lwakwe. Ku yele yinyamanyayi wayipele kombola kwakutenda masengo gakwe gakulekangalekangana mu chilambochi mwa chilengedwe. (Genesis 1:20-25; Yobu 39:1-30; Masalimo 104:10-30)

Kaneko sano Mlungu wakoseche kuti amaliche chilosyo cha kusimonje kwakwe. Pangali wawachimanyi chinonyelo chichapali sikati ja Atati, Mwanache ni Msimu waswela. Pangali wawalandanaga nawo mu chilambo chosope kapena kuluwona lukondwa lwawo. Yagumbidwa yosope yajembechelaga jwine jwakwe jutakole chakulandana ni Mlungu. Ni Mlungu jwaganisisye yakusya chinonyelo chakwe, ni watite, “Kwende tupanganye mundu mu chilandanyo chetu” (Genesis 1:26). Mundu wampanganyisye kutyochela ku yindu ya mwitaka ni mwakusimonjesya kuti alandane ni Mlungu. Liwasa lyandanda walipanganyisye kuti litande mtundu wekulungwa wakuwilanjikwa liwasa lya Mlungu msyene. Mungu wampanganyisye jwangali chipasipasi, jwambone mu yosope yene. Kutu tumanyilile yitwatite kagwe ku wele umbonewu, tukwenela kumanyilila mutuwelele. Mituka jitukwete jikusatutenda kuwa chiumbe pecho chachili mu chilandanyo cha Mlungu.

MUNDU – APALI PATATU

MBALI JA NDANDA.

Chilu chawo

Maupa; gakwanila 206 gakamuchisya kuti chilu chijime ni koneka chenene nambo soni kutetela yiwalo yine ya mkati (Genesis 2:23; Yobu 10:11; Masalimo 22:14,17; Yohane 19:36).

Mnowu – kutandila lipende, mitasi, umbo ni nyama ja pa chilu. Mbali ja kamula masengo, jakumkombolekasya mundu kajende, kawoneche chenene ni apikane kamulidwa (Genesis 2:7; Masalimo 139:14:16; Yohane 24:39).

Myasi – jijikusapeleka umi ni mpheya ku chilu. Kamula ni kutyosya yakusakala yosope mchilu. Umi wa chilu ulu mu myasi. Chiluhikusatanda ni kachindu kamwana mpela lusonga lwa singano, ni kulanga panandi panandi mu lunda lwa msyene Mlungu.

MBALI JA WILI.

Umi wao

Mundu msyesyene. Chisagula chilichose chakusetenda chikusasinda aju mundu jwa mkati mwawoju ni kusinda soni sogolo jawo.

Yakupikana mchilu – lisosa, kombola kusagula kunonyela kapena kuwenga (Yobu 23:13; 1 Samuele20; 2:16; Detolonomo 14:26;

Nganisyo – ganichisya yindu, nganisyo ni kumbuchila

Lisosa – Ekisodo 35:29; Detolonomo 21:14;

MBALI JA TATU

Msimu wawo

Wandu wajinji wangamanyilila. Aji mbaliji jikusamlekanganya mundu ni yinyama. Mu baibulo pana kulekangana sikata ja Msimu waswela ni msimu wa mundu.

Mlungu watupele chakutyochela mwa msyene kuti pawe pana mkamulano sikati ja mkulinganya yosope ni yiwumbe yakwe. Wele ni msimu wuwatemi mwa mundu ata uli wakulekangana ni Msimu waswela, nambo ni wuwukusatulumbikana ni yindu ya usimu nipo ukusawujila kwa Mkupanganya naga mundu ali awile.(Zekaliya 12:1; Aloma 8:16; Mlaliki 12:7; Luka 23:46)

Naga mundu ali apite kwa Yesu, Msimu waswela akusatama mwa msimu wakwe; pali pangali Yesu, misimu jakusakala mpaka jitame mwa msimu wa mundu.

Msimu wa mundu ukwete masengo gatatu

chandanda

Kulandanya sikati ja yambone ni yakusakala, kuti gakombole kutindanya sikati ni chisyesyene chakutyochela kwa Mlungu ndi nganisyo chabe. Mpela wotchi wambone, mbali jejeji jikusalaga naga tupikanile ku yambone. Wotchi wangawutila ndawi, nambo ukusalaga. M'we tukusawuwutilaga nipo tukwenela kuwulolechesya kuti nganiwujasa ndawi syosope. Naga kujipikanila aji mbaliji, jikusausalila msimu ndawi syosope yakwenela kutendekwa nipo jikusalepela naga pali pana sambu. Jikusawaga mpela alamu; jakuyamichila kapena kwamuka yisagula ya ndamila sya mundu (Detolonomo 2:30; Masalimo 34:18; Yohane 8:9; 13:21; Masengo 17:16; Aloma 8:16; 9:1; 2 Timoteyo 1:7;(CONSCIENCE)

Chawili

Kwiganyidwa kwa mkati; kumanyilila chindu chachikutendekwa mwangalajila ganichisya. Apa Mlungu akusalosya chisyesyene ni ndamilo syambone kwa mundu msyene ali ayiche msingu wakulimanyilila nipo kweleku kukusatendedwa kuti ‘lilanguka’, ‘lunda’, ‘kupikanichisya’ ndawi sine akusatiga ‘nganisyo’ (Masalimo 43:3; Yesaya 11:2; Miyambo 6:23; Maliko 2:8; Luka 24:45; Yohane 3:19; 2 Wakolinto 7:13;). (INTUITION)

Chatatu.

Kulipeleka: Kombola kwa kulambila, kupembeka ni kumchimbichisya Mlungu mwa usimu. Ni yindu ya ku umipe ngawa mkombola kumchimbichisya ni watupele msimu kuti tukombole kumchimbichisya mwangachijidwa ni nganisyo syetu (Levitiko 27:21; Yesaya 26:9; Luka 1:47; Masengo 17:27; 1 Wakolinto 6:17,20;...)

Mundu wampanganyisye mu chilandanyo cha Mlungu, apali patatu nambo akusakamula masengo mpela jumo. Malowe gakulochesya chenene pa 1 Atesalonika 5:23 “ Ambuje Mlungu msyene amsunjeje wambumbu mu MSIMU, nu UMI, soni MCHIILU kuti chim’we wangali ulemwa pakwisa Ambuje wetu Yesu Klistu.” Soni malowe ga Mlungu gacusagawanya umi ni msimu (Ahebli 4:12). (DEVOTION)

Mkanawe kulupuka msimu wa mundu ukusawaga welekangane ni Mlungu nipo ukusawoneka kuti ukusakumula masengo yalumo ni umi ligongo msimuwo ukusawaga ulu mkulamulidwa ni umi (Genesis 41:8; Oweruza 8:3; Yesaya 29:24;). chakulinga cha Mlungu ni chakuti msimu wa mundu ulamulile umi wakwe nipo Msimu waswela alamulile msimu wa mundu.